



Hjónaball í Brautarholti!

Hið árlega hjónaball verður haldið í Brautarholti laugardaginn 28. mars.

Húsið opnar kl 20:00.

Grillvagninn sér um matinn, frábær skemmtinefnd sér um fjörið og hljómsveitin Brimnes ætlar svo að sjá um dansleikinn framefir nóttu.

Miðaverð aðeins 9000 kr.

Pantanir sendist á hjonaballskeidgnup@gmail.com
eða í síma 773-5657 ekki seinna en 26. mars.

Allir hjartanlega velkomnir!

Ef ástæða þykir til gæti ballinu verið frestað vegna COVID-19 veirunar og verður það þá tilkynnt á facebook og eins víða og hægt er.

LANDSTÓLPI 20
ára
—2000–2020—

Afmælistilboð **Landstólpa** JOSILAC ÍBLÖNDUNAREFNI Á **20% AFSLÆTTI Í MARS**



20%
afsláttur

Josilac Ferm

~~10.156 m. vsk.~~ **8.124 m. vsk.**

Josilac Classic

~~9.040 m. vsk.~~ **7.232 m. vsk.**

Josera.
we care, you grow

Gunnbjarnarholti, 804 Selfoss
Sími 480 5600 - Ópið virka daga 8-17

Kaupvangi 10, 700 Egilsstöðum
Sími 480 5610 - Ópið virka daga 9-17

37. fundur sveitarstjórnar – 4. mars 2020 í Árnesi

1. HÚSNÆÐISÁÆTLUN 2020- 2025.

Sveitarstjóri lagði fram og útskýrði drög að húsnæðis-áætlun fyrir sveitarfélagið árin 2020-2025. Samþykkt að fela sveitarstjóra að vinna áfram með húsnæðisáætlunina og leita samþykktar hjá Húsnæðis- og mannvirkjastofnunar.

2. STAÐSETNING Á FJÓSI Í HAGA.

Lögð fram gögn er sýna fyrirhugaða staðsetningu á fjósi sem til stendur að byggja í Haga. Samkomulag hefur tekist um að byggingarreitur fjóssins verði færður til og þar komið til mótis við óskir nærliggjandi íbúa. Sveitarstjórn samþykkir tillögu að nýjum byggingarreit.

3. HÓLASKÓGUR SAMNINGAR.

Lögð fram drög að samningi milli sveitarfélagsins og Rauðakambs ehf um leigu á fjallaskálanum í Hólaskógi ásamt tilheyrandi landspildu. Þar Sveitarstjórn gerir ekki athugasemd við framlögð drög og felur oddvita og sveitarstjóra að vinna að fullnaðarfrágangi samnings.

4. FÆLA - STOFNUN LÖGBÝLIS.

Lögð fram umsókn frá Stefáni Má Ágústssyni og Ásdísi Sveinsdóttur um að lóðin Fæla fasteignanr. 234-5861 stærð 11,8 hektarar, verði gerð að lögbýli. Sveitarstjórn samþykkir fyrir sitt leyti að umrædd lóð verði gerð að lögbýli.

5. UMSÓKN UM STYRK TIL VATNS-VEITU.

Lögð fram gögn frá Sigrúnu Bjarnadóttur í Fossnesi varðandi kaldavatnslögn að Fossnesi. Kostnaðartölur og umsögn frá Ráðgjafamiðstöð landsbúnaðarins fylgdu með erindinu. Landbúnaðarráðuneytið leitar er umsagnar sveitarstjórnar um verkefnið. Sveitarstjórn staðfestir um umrædd umsókn er í samræmi við reglugerð um framlög úr Jöfnunarsjóði sveitarfélaga til vatnsveitna á lögbýlum nr. 180/2016.

6. STÖNG UMSÓKN VEGNA FRAMKVÆMDA.

Máli frestað.

7. KLETTAR – LEYFI.

Máli frestað þar sem gögn liggja ekki fyrir.

8. FJÁRHAGUR SJÓÐSSTREYMI.

Sveitarstjóri lagði fram áætlun um sjóðsstreymi fyrir sveitarsjóð næstu mánuði. Sveitarstjóri lagði fram beiðni um að heimild til að yfirdráttarheimild á ráðstöfunar-reikningi sveitarfélagsins allt að 50.000.000 kr verði framlengd til 1. ágúst 2020. Til að mæta útgjöldum. Sveitarstjórn samþykkir beiðnina samhljóða.

9. 192. FUNDUR SKIPULAGSNEFNDAR MÁL NR. 21,22 OG 23. ÞURFA AFGREIÐSLU.

Mál nr. 21. Þrándarholt (L166618); umsókn um byggingarleyfi; fjós - 2002037

Í framhaldi af afgreiðslufundi byggingarfulltrúa þann 19. febrúar 2020 er lögð fram umsókn Sigurðar Unnars Sigurðssonar fyrir hönd eigenda, móttækin 13. febrúar 2020 um byggingarleyfi til að byggja fjós 1.723,5 m², mhl 17 á jörðinni Þrándarholt (L166618) í Skeiða- og Gnúpverjahreppi. Ekki liggur fyrir samþykkt deiliskipulag á svæðinu. Skipulagsnefnd UTU mælist til að sveitarstjórn Skeiða- og Gnúpverjahrepps geri ekki athugasemd við að byggingarfulltrúi gefi út byggingarleyfi þegar fullunnin gögn liggja fyrir og að undangenginni grenndarkynningu skv. 44. gr. skipulagslaga nr. 123/2010, fyrir lóðarhöfum aðliggjandi lóða/lands. Sveitarstjórn samþykkir að byggingarfulltrúi gefi út byggingarleyfi þegar fullunnin gögn liggja fyrir og að undangenginni

grenndarkynningu skv. 44. gr. skipulagslaga nr. 123/2010, fyrir lóðarhöfum aðliggjandi lóða/lands.

Mál nr. 22. Árnes; Bugðugerði 6; Stækkun byggingarreits; Úr parhúsaloð í 3ja íbúða raðhúsaloð; Deiliskipulagsbreyting - 2002048

Guðbjörg Guðmundsdóttir f.h. Landform og f.h. Skeiða- og Gnúpverjahrepps leggur fram umsókn dags. 21.2.2020 og uppdrátt ásamt greinargerð dags. 13.2.2020, tillögu að óverulegri breytingu á gildandi deiliskipulagi hluta þéttbýlis í Árnesi, Skeiða- og Gnúpverjahreppi. Tillagan gerir ráð fyrir að lóðin Bugðugerði 6a og 6b, verði breytt úr parhúsaloð í þriggja íbúða raðhúsaloða sem fái heitið Bugðugerði 6a, 6b og 6c. Lóðamörk haldast óbreytt og eins nýtingarhlutfall frá gildandi deiliskipulagi en byggingarreitir er breikkaður um 1,0m til beggja hliða.

Skipulagsnefnd mælist til að sveitarstjórn Skeiða- og Gnúpverjahrepps samþykki að gerð verði óveruleg breyting á gildandi deiliskipulagi skv. 2. mgr. 43. gr. skipulagslaga nr. 123/2010, og að tillagan verði grenndarkynnt skv. 44. gr. skipulagslaga nr. 123/2010, fyrir lóðarhöfum/hagsmunaaðilum aðliggjandi lóða.

Sveitarstjórn Skeiða- og Gnúpverjahrepps samþykkir að óveruleg breyting verði gerð á gildandi deiliskipulagi skv. 2. mgr. 43. gr. skipulagslaga nr. 123/2010, og að tillagan verði grenndarkynnt skv. 44. gr. skipulagslaga

nr. 123/2010, fyrir lóðarhöfum/hagsmunaaðilum aðliggjandi lóða.

Mál nr. 23. Hæll 3 L166571; Grófarás, Norðlingaflöt og Ljós-kolluholt; Stofnun lóða - 1910076

Lögð fram umsókn Höllu S. Bjarnadóttur, dags. 11. september 2019, um skiptingu jarðarinnar Hæls 3 L166571 í fjórar landeignir. Óskað er eftir að stofna landeignirnar Hæll 3 Gróf (15,9 ha), Hæll 3 Grófarás (1 ha) og Hæll 3 Norðlingaflöt (10,6 ha). Einnig er óskað eftir að jörðin Hæll 3 fái viðskeytinn Ljós-kolluholt. Eftir landskiptin verður stærð jarðarinnar 137,1 ha og heldur lögbylisréttinum og veiðihlunninum. Á lóðablöðunum kemur fram að heitin sem viðskeytarnir bera vísa í þekkt örnefni á þeim svæðum sem um ræðir. Þegar byggð mannvirki fylgja landinu Hæll 3 Gróf. Fyrir liggur jákvæð umsögn Vegagerðarinnar, dags. 12. febrúar 2020, á fyrirhuguðum veltengingum sem sýndar eru á lóðablöðunum.

Skipulagsnefnd UTU gerir ekki athugasemd við landskiptin né heiti skv. umsókn. Ekki er gerð athugasemd við staðfestingu landskipta skv. 13. jarðalaga. Skipulagsnefnd mælist til að sveitarstjórn Skeiða- og Gnúpverjahrepps samþykki fyrirbyggjandi umsókn.

Sveitarstjórn samþykkir fyrirbyggjandi umsókn án athugasemda.

10. 8. SKÓLANEFNDARFUNDUR 20.02.20 ÞJÓRSÁRSKÓLI.

Fundargerð lögð fram og staðfest.

11. 8. SKÓLANEFNDARFUNDUR 20.02.020 LEIKSKÓLAMÁL.

Í lið nr.2 var fjallað um rökstuðning fyrir því að bæta við þriðju deild í leikskólanum. Sveitarstjórn lýsir sig jákvæða fyrir því að þriðja deildin við leikskólann verði sett á stofn. Fundargerð lögð fram og staðfest.

12. 10. FUNDUR MENN- OG ÆSKULÝÐSNEFNDAR UNDIRRITUÐ 08.02.2020.

Fundargerð lögð fram. Nefndin leggur til að sveitarhátíð verði haldin af sveitarfélaginu dagana 12-14 júní með sambærilegum hætti og á síðasta ári. Í lið 2. C leggur nefndin áherslu á að stuðlað verði að aukinni aðkomu starfsfólks sveitarfélagsins við vinnu á hátíðinni. Sveitarstjórn tekur undir þá áherslu nefndarinnar. Í lið nr. 5 er lögð fram beiðni um að nefndarmönnum í menningar- og æskulýðsnefnd verði fjölgað úr þremur í fimm. Sveitarstjórn hafnar því að fjölgað verði í nefndinni. Elvar Svansson tók sérstaklega undir með nefndinni um að fjölgað verði í henni. Ingvar Hjálmarsson sat hjá. Sveitarstjórn er samþykkt því að umrædd sveitahátíð verði haldin þann 12-14 júní næstkomandi. Gert ráð fyrir fyrir kostnaði við hátíðina á fjárhagsáætlun.

13. SORPSTÖÐ SUÐURLANDS 290. FUNDARGERÐ 18.02.20.

Allar fundargerðir og fylgiskjöl eru aðgengileg á skeidgnup.is
Scannaðu QR kóðan og þú getur farið beint á fundargerðasíðuna.

14. 37. FUNDUR SKÓLA- OG VELFERÐARNEFNDAR.

Í fundargerð er lögð fram breytingum á gjaldskrá. Sveitarstjórn samþykkir framlagðar breytingar á gjaldskrá.

MÁL NÚMER 15.-27. LÖGÐ FRAM OG KYNNT (FUNDARGERÐIR OG FRUMVÖRP)

28. FUNDARGERÐ SKIPULAGSNEFNDAR NR. 191. MÁL NR 20. ÞARF UM-FJÖLLUN.

Mál 20. Stóra-Mástunga 1 L166603; Stofnun lóðar og bygging einbýlishúss; Fyrirspurn – 2002019

Lögð er fram fyrirspurn Hauks Haraldssonar, dags. 5. febrúar 2020, hvort heimilað verði að stofna lóð innan landamerka Stóru Mástungu 1 og heimila byggingu íbúðarhúss á lóðinni. Áætluð stærð lóðar verður um 5.522 m². Skipulagsnefnd UTU tekur jákvætt í fyrirspurnina. Forsenda byggingarleyfis er að gerð verði grenndarkynning þegar fullunnar aðalteikningar liggja fyrir. Sveitarstjórn gerir ekki athugasemd við afgreiðslu skipulagsnefndar og tekur jákvætt í fyrirspurnina.



28. LANDSKIPTI Á REYKHÓLI. Lögð fram skjöl um landskipti á Reykhóli. Með landskiptunum er landsspildu 1.815m² skipt út úr jörðinni Reykhóll, ný spilda færa nafnið Reykhóll 2. Sveitarstjórn samþykkir landskiptin fyrir sitt leyti.

29. FRÍSTUNDASTRÆTÓ. MATTHÍAS BJARNASON KYNNTI HUGMYNDIR UM FRÍSTUNÐARÚTU.

Matthías greindi frá því að hann hefði að undanförnu kannað áhuga og þörf í samfélaginu á frístundarútu í Skeiða- og Gnúpverjahreppi þar sem stór fjöldi barna í sveitarfélaginu iðki tómstundir og íþróttir utan sveitarfélagsins. Matthías lagði til að möguleikar í þessum efnum yrðu teknir til skoðunar. Sveitarstjórn tekur jákvætt í að skoða þá möguleika.

30. ÖNNUR MÁL.

Sveitarstjóri greindi frá því að Ari Einarsson hefði látið af störfum nýverið vegna aldurs.

Ari hefur starfað hjá sveitarfélaginu sem verkstjóri í áhaldahúsi og sem umsjónarmaður fasteigna síðastliðin sextán ár. Sveitarstjórn og sveitarstjóri þakka Ara fyrir farsæl störf í þágu sveitarfélagsins og ánægjulegt samstarf.

Fundi slitið kl. 18:30

Næsti fundur verður haldinn miðvikudaginn
18. mars. kl 16:00. í Árnesi



Kirkjuskóli í Hrepphóla kirkju laugardagana 14. og 21. mars kl. 11.

Messa unga fólksins í Hrunakirkju sunnudaginn 15. mars kl. 11. Nemendur úr 10. bekk Flúðaskóla annast messuna í tali og tónum.

Guðspjónusta í Ólafsvallakirkju sunnudaginn 15. mars kl. 14. Félagar úr kirkjukórnum syngja undir stjórn Þorbjargar Jóhannsdóttur, organista.

Sjáumst í kirkju!
Sóknarprestur

Frestun á samkomum kvennfélags skeiðahrepps!

Kæru kvenfélagskonur og aðrir sveitungar Stjórn kvenfélags skeiðahrepps hefur ákveðið að fresta fyrirhuguðum samkomum eins og aðalfundi og bíókvöldi um óákveðin tíma vegna COVID-19 veirunar. Munum öll að bera virðingu fyrir náunganum og fara eftir öllum tilmælum landlæknis varðandi smitvarnir.

**Kveðja,
Harpa, Dísa og Tobba.**

Ég hef nú ekki brallað mikið í eldhúsinu en er þó með nokkrar uppskriftir úr erminni sem eru einfaldar og góðar.

Tígristrækjupasta:

300g spagettí
500g tígristrækjur
250ml rjómi
30g steinselja
4 hvítlauksgeirar
½ laukur
½ piparostur
½ fiskikraftsteningur
ólífuolía
Safi úr lime
Salt og pipar (eftir smekk)

Mér finnst alltaf einfaldast að byrja á því að undirbúa laukinn, steinseljuna og hvítlauksgeirana og skera þá smátt og setja til hliðar. Því næst skal byrja að



sjóða spagettiið. Meðan spagettiið sýður er gott að byrja á því að setja ólífuolíu, laukinn, steinseljuna, hvítlauksgeirana og rækjurnar á pönnu og steikja. Gott er að steikja þetta í 4-6 mínútur og setja til hliðar. Svo skal hella matreiðslurjómanum, rífa piparost og fiskkraft út á pönnuna og leyfa því að malla í góðar 10 mínútur. Næst skal hella spagettiiinu út á pönnuna og leyfa því að blandast vel við sósuna og

síðan hella restinni af hráefnunum út í og blanda saman. Mér finnst alltaf gott að kreista smá lime safa yfir og salta og pipra en það gerir hver og einn hvað þeim finnst best.

Ég vil skora á hann Hannes Einarsson að koma með eitthvað gómsætt í næsta blaði.

Verði ykkur að góðu!

Kveðja, Guðmundur Heiðar Ágústsson

Fréttir úr Þjósárskóla

FORRITUNARKENNSLA 6.-7. BEKKUR

Nemendur hafa undanfarna daga fengið kennslu á grunnatriðum í forritun. Kennt er í gegnum leiki og hafa nemendur nú unnið að því að búa til sína eigin leiki. Hér sjáum við Högna sem hefur farið mikið fram á stuttum tíma og er hann að kenna jafnöldrum sínum hvernig þau geti klárað leikina sína.

LIST FYRIR ALLA – HEYRÐU VILLUHRAFNINN MIG

Þriðjudaginn 25. febrúar fengum við til okkar skemmtilega gesti. Það voru þau Herdís Anna Jónsdóttir og Steef van Oosterhout sem eru hljóðfæraleikarar úr Sinfóníuhljómsveit Íslands. Þau fluttu okkur söguna um Villuhrafninn, tónleikahús með fullt af áhugaverðum og skemmtilegum hljóðum, íslenskum þulum og lögum. Nemendur tóku virkan þátt og voru skólanum til sóma.



ÖSKUDAGUR

Á öskudaginn mættu nemendur og starfsfólk klætt skrautlegum búningum í skólann. Kl. 10.30 byrjaði síðan ball í Árnosi undir stjórn Jóns Bjarnasonar. Það var mikið fjör og allir tóku þátt í skemmtilegum leikjum og dansi. Þá var kötturinn sleginn úr tunnunni, en nemendur höfðu sjálfir tekið þátt í að útbúa og skreyta tunnurnar. Foreldrafélagið sá síðan til þess að allir fengu gotteri og ávaxtasafa. Þetta var litríkur og skemmtilegur dagur sem allir tóku þátt í.



STÓRA - UPPLÉSTRARKEPPNIN

Formlegur undirbúningur fyrir Stóru upplestrarkeppnina byrjar á degi íslenskrar tungu og síðan hafa nemendur í 7. bekk æft sig í að lesa og æfa margs konar texta. Á bolludaginn voru valdir tveir fulltrúar Þjósarskóla til að keppa í lokakeppninni sem verður 3. mars í Árnesi. Eiríkur Logi og Eyrún Huld komust áfram. Benedikt og Magnús Arngrímur verða varamenn. Krakkarnir stóðu sig með mikilli þrýði, lásu skýrt og með tilþrifum. Lokakeppnin var síðan 3. mars í Árnesi. Þar komu tveir fulltrúar 7. bekkja í öllum skólunum í Uppsveitum og Flóa. Þar fluttu



nemendur texta eftir Birki Blæ Ingólfsson og ljóð eftir Jón úr Vör. Einnig fluttu nemendur annað ljóð að eigin val. Var virkilega gaman að hlusta á þessa fluttu lesara. Eyrún Huld hreppti fyrsta sætið og erum við virkilega stolt af þeim árangri.



Bíóhúsið

2019-nCoV kórónaveira

Finnur þú fyrir
einkennum?
**Hringdu í síma
1700** eða
+354 544-4113

Frekari upplýsingar á
landlaeknir.is/koronaveira

Þetta þarftu að vita

Einkenni 2019-nCoV eru lík inflúensu. Útsettir eru þeir sem hafa verið í Kína eða átt í samskiptum við fólk með veiruna.

- Ef þú finnur fyrir einkennum og óttast smit skaltu hringja í síma 1700. **Hringdu - Ekki mæta.**
- Einkenni veikinnar eru hósti, hiti, bein- og vöðvaverkir, þreyta o.fl.
- Helsta smitleið veirunnar er snertsmít; þvoð hendurnar og forðist samneyti við veika.
- Ekki allir sem smitast af veirunni verða veikir, enn færri verða alvarlega veikir.
- Ekkert bóluefni er til við 2019-nCoV. Meðferð beinist að einkennum og ástandi sjúklings.
- Besta vörnin gegn smiti er almennt hreinlæti, þá sérstaklega að **þvo/spritta hendurnar reglulega.**



SELÁSBYGGINGAR ehf
Reisum með reisn Sími: 894-4142

FJARSKIPTAFÉLAG SKEIDA- OG GNÚPVERJAHREPPS

LJOS@SKEIDGNUP.IS
SIGVALDI K. JÓNSSON: 863-4111
JÓN HÁKONARSON: 669-0095



Árný og Gagnamagnið – Frumleikinn, gleðin og einlegðin smitar út frá sér

HVAÐ ERTU GÖMUL?

Ég er 28 ára, fædd 1991

HVAR ERTU BÚSETT?

Við Daði og Áróra höfum aðal aðsetur í Berlín í hverfi sem heitir Schöneberg. Við erum líka mikið á “heima” á Íslandi svo við erum nánast búsett þar líka, þá erum við til skiptis á Skeiðunum hjá mömmu og pabba eða í Ásahrepp hjá tengdó.

ERTU Í SKÓLA EÐA Á VINNUMARKAÐNUM?

Ég er að klára nám mitt í mannfræði hjá Háskóla Íslands, ég er einnig leiðsögumaður hjá Berlínunum í Berlín sem bjóða upp á íslenska leiðsögn um borgina, sögulega og menningarlega. Þá mála ég einnig dýra og náttúru myndir eftir pöntunum.

ÞIÐ UNNUÐ SÆTAN SIGUR Í SÖNGVAKEPPINNI MEÐ LAGINU “THINK ABOUT THINGS”, KOM ÞAÐ YKKUR Á ÓVART?

Já það kom á óvart, en við vissum samt að við hefðum góða möguleika á sigri. Við lögðum líka mikið í lagið, atriðið og alla umgjörðina. Undirbúningurinn



Mynd: / RÚV

tók um hálf ár sem borgaði sig svona.

UM HVAD ER LAGIÐ?

Lagið er samið á ensku og fjallar um dóttur okkar Áróru Björgu sem er að verða eins árs. Þegar textinn var saminn var hún um 4ra mánaða og við enn mikið að kynnst henni. Nú hefur hún hins vegar skoðanir á flestu.

HVAÐ TEKUR VIÐ NÚNA?

Undirbúningur fyrir stóru keppnina hófst strax og þar er að mörgu að hyggja. Við erum einnig með umboðsmann sem

aðstoðar okkur á marga vegu. Markmiðið er að vinna sem best úr þessu, ekki bara fyrir keppnina heldur framtíð okkar sem listamenn og að við getum haft atvinnu að þessu.

LAGIÐ ER VINSÆLT UM ALLAN HEIM, HVAD ER ÞAÐ SEM GERIR LAGIÐ EINSTAKT OG VINSÆLT?

Ég held að það sé bara vegna þess hve einlægt þetta er, þetta er allt spunnið upp úr hugarheim Daða og við framkvæmum þetta að mestu leyti bara sjálf. Ég held að frumleikinn, gleðin, einlæggnin og að þetta sé svona “orginal” smiti bara svona út frá sér

Í ATRIÐINU ER GERT GRÍN AÐ EUROVISION STEREOTÝPUM. VAR ÞAÐ MARKMIÐIÐ OG HVER VAR KVEIKJAN AÐ ATRIÐINU?

Við tókum Eurovision að fullri alvöru. Við fórum í mikla rannsóknarvinnu og skoðuðum hvað virkar í Euro, mýtur og klisjur. Við ákváðum að fara bara alveg eftir formúlunni og troða eins miklum Eurovision þáttum inn í þetta 3 mínútna atriðið eins



Mynd: / Golli

og hægt var. Þar má nefna vindvél, upphækkun, dramatískt moment, ljósabreytingar, búningar og samhæfður dans. Þannig var atriðið samið á undan laginu og lagið sniðið eftir sviðsetningunni.

MUNUÐ ÞIÐ BREYTA ATRIÐINU FYRIR STÓRA SVIÐIÐ Í LOKA-KEPPNINNI?

Sviðið í Hollandi er auðvitað mun stærra, fleiri myndavélar, brellur, ljós og skjáir. Við munum vinna með þessi tækniatriði. En þar sem lagið er samið eftir atriðinu og ekki má breyta laginu, þá breytist það sem við gerum á sviðinu ekki mikið.

ÞAÐ HEFUR KOMIÐ UPP SÚ UMRÆÐA AÐ ÞIÐ VÆRUÐ MEÐ MIKLA AUGLÝSINGAHERFERÐ STYRKTA AF NETFLIX, ER ÞAÐ SATT?

Allt varðandi atriðið, lagið og myndbandið er gert af okkur sjálfum, engir styrkir eða slíkt. En þetta er stór skemmtileg umræða sem ýtir bara undir frekari athygli.

ÞAÐ HEFUR EKKI FARIÐ FRAM HJÁ NEINUM AÐ ÞIÐ HAFIÐ STERKT BAKLAND, HEFUR ÞÚ FUNDIÐ FYRIR MIKLUM STUÐNING ÚR HREPPNUM?

Að sjálfsögðu, það hef ég alltaf fundið alla mína tíð.

ÞIÐ TÓKUÐ ÞÁTT 2017 MEÐ LAGINU “HVAÐ MEÐ ÞAÐ”, HVAÐ BREYTTIST EFTIR ÞÁ KEPPNI?

Það varð til þess að við gátum farið að vinna sem listamenn í fullri vinnu.

MUNUM VIÐ SJÁ MEIRA AF GAGNAMAGNINU Í FRAMTÍÐINNI EÐA ER ÞETTA EINGÖNGU “EURO HLJÓMSVEIT”?

Þessi hljómsveit er tilbúningur fyrir júró. Þess má geta að við “hljóðfæraleikararnir” spilum aldrei í alvörunni. Samkvæmt reglum Eurovision er lifandi (live) hljóðfæraleikur bannaður, svo allir þeir sem spila á hljóðfæri í atriðunum eru að þykjast. Daði og bakraddasöngkonurnar okkar Sigrún og Hulda syngja allt í alvöru.

ÞAÐ ER EKKI FYRIR HVERN SEM ER AÐ STÍGA UPP Á SVIÐ FYRIR FRAMAN ÞÚSUNDIR OG JAFNVEL MILLJÓNIR MANNA, HEFUR LÍFIÐ Í SVEITINNI EITTHVAÐ UNDIRBÚIÐ ÞIG FYRIR ÞAÐ?

Það er góð spurning. Ég hugsa að sveitastörfin hafi hjálpað mér heilmikið við það. Þar þarf maður að temja sér sjálfstæð vinnubrögð og hafa trú á því sem maður er að gera, finna lausnir og redda hlutunum. Það hefur komið mér langt í öllu sem ég hef tekið mér fyrir hendur. Svo er auðvitað nauðsynlegt að eiga góðan tíma í sveitinni til að hlaða batterið í svona vinnu. Þó það sé gaman að vera í fjölmiðlabúblunni og listabransanum er ekkert betra en að fá að komast í sveitina og sveitastörf.

Ég þakka Árný Fjólu fyrir viðtalið og óska henni og Gagnamagninu góðs gengis í Hollandi.

-MB



Fréttir úr Leikholti

Í Leikholti er alltaf eitthvað skemmtilegt að gerast. Börnunum fjölgar og eru nú orðin 35 í leikskólanum. Einnig fjölgar í starfsmannahópnum og nú í byrjun mars kom til til starfa hjá okkur nýr leikskólakennari Oddný Stefanía sem vinnur í Heklu.



Í febrúar hafa verið alls konar dagar sem hafa gefið tilefni til að sprella eða vinna öðruvísi. Blómadagur var hjá okkur 19. febrúar, þá klæddust börn og starfsmenn einhverju blómlegu og áhersla á blómlega vinnu þann daginn. Konudagurinn var 23. febrúar og teiknuðu/máluðu börnin myndir af mömmu sem þau svo gáfu henni. Þau börn sem höfðu getu til sögðu líka aðeins frá henni.



Síðan voru hinir árvissu dagar bolludagur, sprengidagur og öskudagur með sínum hefðum og tilheyrandi áti. Á öskudag var samkvæmt venju haldið ball í salnum þar sem kötturinn var sleginn úr tunnunni, dansað og boðið upp á veitingar. Foreldrar og systkini komu og höfðu gaman með okkur þann dag.

Þrátt fyrir að oft hafi verið leiðinda tíð það sem af er ári þá höfum við fengið yndislega daga til útiveru inn á milli, þar sem börnin hafa notið sín vel.

Nú eru börnin á fullu að æfa fyrir árshátíð sem þau ætla að halda um miðjan mars.



Sýnishorn frá svörum barnanna um mömmu sína fyrir Konudag:

Hvað er mamma þín gömul: Svona (sýnir 5 fingur)

Við hvað vinnur mamma þín: Ekkert! Að þrífa og vinna í tölvunni.

Hvað finnst henni leiðinlegt: Þegar hún leyfir mér ekki að fá tuggjó og ég fer að gráta.

Hvað finnst henni skemmtilegt: Renna í rennibraut og keyra bíl.



**GETRAUNANÚMÉR UMFS ER
799**

**GETRAUNANÚMÉR UMFG ER
802**

**MINNISKORT ÓLAFSVALLAKIRKJU
FÁST HJÁ GUÐJÓNI VIGFÚSSYNI:
896-5736**

**MINNISKORT STÓRA NÚPSKIRKJU FÁST
HJÁ MARGRÉTI STEINÞÓRSÐÓTTUR:
486-6017**

Aðalfundur Kvenfélags Gnúpverja 2020

Verður haldinn þriðjudagskvöldið 24. mars
kl. 20:00 í flísalnum í Árnesi.

Venjuleg aðalfundarstörf. Formaður og
ritari gefa ekki kost á sér til endurkjörs.

Veitingar að hætti félagsins, nýir félagar
velkomnir.

Kveðja, Stjórnin.



Yoga Sálir - Yoga Studío

*Fjölbreyttir tímar
og námskeið í boði.*

Eyravegur 38, Selfoss.

Upplýsingar á facebook!

Aðalfundur Björgunarsveitarinnar Sigur- geirs.

Þriðjudag 24. mars 2020 kl. 20:00
í húsnæði félagsins Suðurbraut 1 Árnesi.

Dagskrá aðalfundar :

1. Skýrsla Formanns.
2. Skýrsla Gjaldkera.
3. Kosning stjórnar.
4. Önnur mál.

Kær kveðja, stjórnin.

Aðalfundur ungmennafélags Gnúpverja.

Fimmtudag 26. mars 2020 kl. 20:00
í fundarherbergi sveitarfélagsins Árnesi.

Dagskrá aðalfundar :

1. Skýrsla Formanns.
2. Skýrsla Gjaldkera.
3. Kosning stjórnar,
- Formaður gefur ekki kost á sér áfram.
4. Önnur mál.

Kær kveðja, stjórnin.

Upp í sveit – Skilaboð frá menningar- og æskulýðsnefnd



Eins og fram hefur komið mun sveitahátíðin “Upp í sveit” verða haldin dagana 12. – 14. júní.

Fyrirkomulagið verður með svipuðu sniði og í fyrra og hefur nefndin þegar hafið undirbúning. Nú biðlum við til ykkar, kæru sveitungar því svona hátíð verður ekki að neinu nema þið takið þátt.

Um þessar mundir mun bréf berast til ýmissa félagasamtaka, stofnana og annarra aðila til að kanna vilja og getu til að taka þátt með svipuðu sniði og í fyrra.

Við fögnum því að vera komin í samstarf við nýjan rekstraraðila Árnass sem hefur fullan hug á að taka þátt með okkur og hefur hann komið með margar góðar hugmyndir sem munu örugglega falla vel að dagskránni.



Dagskráin mun vonandi dreifast um alla sveit, eins og í fyrra og snúast um að sveitungarnir og þeirra gestir njóti alls þess sem þessi frábæra sveit hefur upp á að bjóða.

Okkur er mikið í mun að allir sveitungar finni eitthvað við sitt hæfi og treystum á að fólk verðið duglegt að taka þátt í að móta dagskrána og njóta hennar.



Viltu sýna fjárhús/fjós/eða hvaðeina?

Viltu bjóða upp á gönguferð um landareignina þína?

Ertu með ferðabjónustufyrirtæki sem gæti boðið upp á einhverja afþreyingu?

Ertu að framleiða/hanna eitt-hvað sem þú vilt selja eða sýna?

Ertu með frábæra hugmynd að heimatilbúinni dagskrá fyrir börn/ungmenni/miðaldra/eldra fólk?



Við höfum aðeins heyrt utan af okkur af ýmsum frábærum hugmyndum sem frábært væri að heyra nánar um og taka þátt í að móta og negla niður.

Við viljum því hvetja alla áhugasama um að hafa samband við nefndina á netfangið mennogaesk@gmail.com. Allar hugmyndir eru vel þegnar.



Opin vinnustofa um framtíð Árnes!

Nú er komið að tímamótum í starfsemi félagsheimilisins Árness. Samningur við Landsvirkjun um starfsemi í húsinu hefur runnið sitt skeið og því er þetta góður tími til að staldra við og líta til framtíðar.

Sveitastjórn Skeiða- og Gnúpverjahrepps hefur skipað starfshóp til að koma með tillögu að framtíðarsýn fyrir Árnes og sá starfshópur ætlar nú að leita til íbúa, hagsmunaaðila og annarra velunnara til að fá sem fjölbreyttastar hugmyndir og skoðanir á þeirri framtíðarsýn.

Laugardaginn 21. mars næstkomandi verður haldin opin vinnustofa til að safna saman hugmyndum og allir eru velkomnir.

Vinnustofan hefst kl. 13 og mun standa yfir í 2-3 klukkustundir. Á vinnustofunni verður m.a. farið í skoðunarferð um húsið, rýnt í upplýsingar um núverandi notkun og farið yfir dæmi um hvernig önnur félagsheimili á landinu hafa verið nýtt.

Við hvetjum alla sem vilja láta sig málið varða til að mæta.

Veitingar og handspritt verður í boði.

Starfshópur um framtíð Árness

Uppsveitadeildin 2020 - Fimmgangur

Fimmgangur í Uppsveitadeildinni á Flúðum fór fram föstudagskvöldið 21 febrúar og óhætt er að segja að keppnin hafi verið hörð og spennandi!

Efstur eftir forkeppni var Jón Óskar á Örvari frá Gljúfri, annar var Þorgeir Ólafsson á Snilld frá Fells koti, þriðji var Þórarinn Ragnarsson á Glað frá Kálfhóli og fjórðu voru Hekla Katharína Kristinsdóttir og Jarl frá Árbæjarhjáleigu II.

Efstur inn í B úrslit kom Reynir Örn Pálmason á Þristi frá Tungu. Annar var Jón William Bjarkason á Vöku frá Ásbrú, þriðju voru Rósa Birna Þorvaldsdóttir og Bragi frá Skriðu, fimmtu Karen Konráðsdóttir og Lind frá Hár-

laugsstöðum og að lokum Ragnhildur Haraldsdóttir á Kappa frá Kambi. Nokkar sviptingar voru í B úrslitunum og fóru þau að lokum þannig að Karen Konráðsdóttir sigraði á Lind og unnu þær sér sæti á A úrslitum.

Næst á dagskrá voru A úrslitin. Frábær hross, mjög mjótt á munum og ljós að smávægileg mistök yrðu dýrkeypt. Þorgeir og Snilld og Þórarinn og Glaður

héldu sínum sætum frá forkeppni, Karen og Lind hoppuðu upp um eitt sæti en Jón Óskar og Örvar náðu ekki jafngóðum sprettum á skeiði og í forkeppni og hröpuðu niður í fimmta sætið. Það var hinsvegar Hekla Katharína Kristinsdóttir sem stökk upp úr fjórða sætinu í það fyrsta með hinn glæsilega og jafnvíga Jarl frá Árbæjarhjáleigu II.

Framkvæmdanefnd þakkar keppendum, dómurum og öðrum er að mótinu komu fyrir frábæra frammistöðu og vel unnin störf. Aðalstyrktaraðili deildarinnar eru Flúðasveppir og við þökkum þeim kærlega stuðninginn. Áhorfendum þökkum við fyrir komuna og minnum um leið á næsta mót sem verður föstudagskvöldið 13. Mars þegar keppt verður í tölta og skeiði.




A úrslit

1:	Hekla K. Kristinsdóttir / Jarl frá Árbæjarhjáleigull	6,79
2:	Þorgeir Ólafsson / Snilld frá Fells koti	6,69
3:	Þórarinn Ragnarsson / Glaður frá Kálfhóli 2	6,67
4:	Karen Konráðsdóttir / Lind frá Hárlausstöðum 2	6,57
5:	Jón Óskar Jóhannesson / Örvar frá Gljúfri	5,64

B úrslit

5:	Karen Konráðsdóttir / Lind frá Hárlausstöðum2	6,62
6:	Reynir Örn Pálmason / Þristur frá Tungu	6,52
7:	Jón William Bjarkason / Vaka frá Ásbrú	6,29
8:	Rósa Birna Þorvaldsdóttir / Bragi frá Skriðu	6,26
9:	Ragnhildur Haraldsdóttir / Kappi frá Kambi	5,69



Einstaklings og liðakeppnin er ekki síður spennandi nú þegar tvær greinar eru búnar. Stiga-hæsta lið fimmgangsins var lið Storm Rider sem nú situr í þriðja sæti í liðakeppninni. Efst stand-

ur lið Kílhrauns en lið Árbæjar-hjáleigu saxaði á forskotið og situr í öðru sæti eftir gott gengi í fimm-gangnum. Efstur í einstaklingskeppninni er Þorgeir Ólafsson og jafnar í öðru

til þriðja sæti einungis einu stigi á eftir Þorgeiri eru Rósa Birna Þorvaldsdóttir og Hekla Katharína Kristinsdóttir.

EINSTAKLINGSKEPPNI

		4G	5G	SAMTALS
1	Þorgeir Ólafsson - Friðheimar/Skjól	16	20	36
2-3	Rósa Birna Þorvaldsdóttir - Kílhraun	21	14	35
2-3	Hekla Katharína Kristinsdóttir - Árbæjarhjáleiga	14	21	35
4	Ragnhildur Haraldsdóttir - Kílhraun	20	13	33
5	Helgi Þór Guðjónsson - Kílhraun	17	12	29
6	Brynja Amble - Storm Rider	18	10	28
7	Jón Óskar Jóhannesson - Brekka/Hjarðarholt/Miðengi	9	17	26
8	Jón William Bjarkason - Meistari Loftur	6	15	21
9-10	Árný Oddbjörg Oddsdóttir - Árbæjarhjáleiga	19	-	19
9-10	Þórarinn Ragnarsson - Storm Rider	19	-	19

LIÐAKEPPNI

		4G	5G	SAMTALS
1	Kílhraun	58	39	97
2	Árbæjarhjáleiga	46	43	89
3	Storm Rider	35,5	45	80,5
4	Friðheimar/Skjól	39	36,5	75,5
5	Brekka/Hjarðarholt/Miðengi	19,5	25	44,5
6	Meistari Loftur	12,5	27	39,5
7	Baldvin og Þorvaldur	19,5	15,5	35

UPPSVEITADEILDIN

TÖLT & SKEIÐ

13 MARS 2020

Reiðhöllinni á Flúðum

KLUKKAN 20.00



SUNDLAUGAR

NESLAUG

Sími: 486-6117

Vetraropnun (sept-maí)

Miðvikudaga: 17-22

Laugardaga: 13-18

Sunnudaga: 13-18*

*í september og maí

SKEIÐALAUG

Sími: 486-5500

Vetraropnun (sept-maí)

Mánudaga: 18-22

Fimmtudaga: 17-22

Umsjónarmaður er Eyþór Brynjólfsson

Sími: 897-1112 | Netfang: eythorb@gmail.com

GÁMASVÆÐIN

Opnunartímar:

Við Árnes:

Þriðjudaga kl. 14-16

Laugardaga kl. 10-12

Í Brautarholti:

Miðvikudaga kl. 14-16

Laugardaga kl. 13-15

Gjaldskyldur úrgangur:

Almennur óflokkaður úrgangur frá heimilum og fyrirtækjum. Blandaður óflokkaður úrgangur. Timbur málað og ómálað. Vörubretti. Húsgögn. Gler. Gifs og gifsplötur. Steinefni/múrbrot. Annar grófur úrgangur. Hjólbarðar m/felgum.

Gjaldfrjáls úrgangur:

Hreinar plastumbúðir. Annað flokkað plast (hreint). Bylgjupappi. Dagblöð, tímarit og pappír. Fernur. Flokkaðir málmar. Hjólbarðar. Raftæki.

Umsjónarmaður: Bjarni Jónsson

GSM: 892-1250 | Netfang: bjarni@skeidgnup.is



Frettabref
Skeiða- & Gnúpverjahrepps

ÁBYRGÐARMAÐUR:

Kristófer A. Tómasson

UMSJÓN OG UMBROT:

Amenic ehf. / Matthías og Kristján

Blaðinu er dreift ókeypis á öll heimili og fyrirtæki í Skeiða- og Gnúpverjahreppi.

Skilafrestur í næsta blað er 8. apríl.

Útgáfudagur er 15. apríl.

Netfang: frettabref@skeidgnup.is

Heimasíða: www.skeidgnup.is



WebPro

VEFSÍÐUR
VEFHÝSING
TÖLVUPÓSTUR
FORRITUN

WWW.WEBPRO.IS

WEBPRO@WEBPRO.IS | SÍMI: 419 2525

SKRIFSTOFA SKEIÐA- OG GNÚPVERJAHREPPS

SVEITASTJÓRI

Kristófer A. Tómasson

486-6113 & 861-7150 kristofer@skeidgnup.is

RITARI OG VEFUMSJÓN

Kristjana H. Gestsdóttir,

Sími: 486-6105 - kidda@skeidgnup.is

ÁHALDAHÚS/ÞJÓNUSTUSTÖÐ

Bjarni Jónsson

Sími: 892-1250 - bjarni@skeidgnup.is

ODDVITI

Viðtalstími miðvikudaga kl. 13-16

Björgvin Skafti Bjarnason

Sími: 895-8432 - oddviti@skeidgnup.is

ÞJÓRSÁRSKÓLI

Sími 486-6000

Skólastjóri: Bolette Høeg Koch

Sími: 486-6051 & 895-9660

bolette@thjorsarskoli.is

LEIKSKÓLINN LEIKHOLT

Sími: 486-5586 - leikholt@leikholt.is

Leikskólastjóri: Elín Anna Lárusdóttir

Sími: 895-2995

AÐALBÓKARI OG LAUNAFULLTRÚI

Puríður Jónsdóttir

Sími: 486-6104 - dudda@skeidgnup.is

OPNUNARTÍMI: Mánudaga til fimmtudaga: 9-12 & 13-15. Föstudaga: 9-12

SÍMI: 486-6100 - NETFANG: skeidgnup@skeidgnup.is

Vilt þú auglýsa hér?

Hafðu samband við Matthías - frettabref@skeidgnup.is eða í síma 774-2899

Þjóðum upp á áskriftir og stakar auglýsingar.

Getum hannað auglýsinguna fyrir þig!